

新編

產航


附錄圖解

乾坤

Kawabata
365860
ZXY

7

叙



我鶴城之小郡。其民粗豪。多
嗜酒。性為羣。酣嬉淋漓。顛倒
不厭。或結伴圍獵。擊巨炮。赴
險。起拒。多上數百仞。一发洞獸
血。淋漓。即必活剥生吞。而後快。
家有河朔健兒之風。是以探得

之士。悅之。乃多陷其市矣。獨吾友
管子敬夫。以弱歌挺然特起。終
達其志。不亦偉哉。彭友曾家於
此。心勝彼軍。所為斷乎不顧。自
取以醫見于當世。日抱經籍。其
城中諸賢交。刮磨淬礪。不暇
寧息。既乃負笈來師。赴壘後。平

安。涕泣華。殆十年乃返。掃躬卜居
城中。善脩其業。乞治者歛。能填
門。取全活。歲以千數。而尤精婦
科。頃有新著。將鏤板公于世。
循余序。亦不私醫。且題名之由。
具於其序。各庸余言也。乃竊為
感焉。自古士之出。以為者。必卓

能特立。而後能達其志也。今見
取夫。而善之。而己。故夫一怯夫。慨
然自奮。於能蹈死地。如康莊然。
是以君子貴乎立志也。不能平
居操之。而之陷其身者。豈唯
飲酒用獵哉。抑志之不立。此所
以世少豪傑也。

文化癸酉三月上巳後百

星海藤天錫撰并書



元舟集卷之四

產航序

野水之濱。有舟曰航。其小如葉。
其輕如羽。帆細如紗。抗淺流。往
也。並流。來也。橫流。織數里之
際。無復新踪。然其所流。終日
不遇十數人。陰雨降。大水至。

分枝藝岸。沙堤之上。泛泛於
行潦。蓋其分止乎此。其用盡
乎此。此乃取以名吾書也。若
夙志醫道。在在有滿。我資質
奔陋。伎倆迂拙。其亨屯極弱。
特大家之萬一耳。故今著

歸科之書。名以產航。夫大
海之巨艦。重載如山。駕長風。
衝洪濤。雷聲雲奔。瞬息
千里。漫爾不見蹤跡。此其
如一葉片羽者。比哉。是以前
此而不取彼。以自通。而分

之宜矣。

文化癸酉春三月

桑原惟親撰并書



產航目錄

乾之卷

育胎

候孕論 并術

漏胞

胎動胎漏

妊娠澀血

孕婦左腿痛

胎水

皺脚子氣

惡阻

妊娠下利

妊娠小便閉

並臨產小便閉 附導水術

被膜胎

臨產 并坐艸術

坤之卷

發癰論 並救術

產後發癰

瘕病 救瘕術

倒生 並扞倒術

裨手產 并橫產論

坐產 附術

孿生 並舉孿術

崩血 並遏術

產後小僂閉 並洩法

整胎術

浮漂術

脫宮 並斂術

脫膜遺於陰戶

餘肉脫出 截法

脫肛 並復術

產後昏暈 目錄 畢

產航例言

凡八則

一 集中所載方法。畧示準的。非謂全備。蓋生生之機。變狀百出。難以方隅論矣。雖然平生把此融會貫通。隨地自有功用。翡翠明珠。非唯南海金丹大藥。豈獨仙家不必更求遠。

一 若_キ手術。僕尤家常爛熟。只恐手生荆棘。臨時不得設施。至其妙用。蓋非筆頭之所能傳。故舉大概耳。雖然優游講磨。舉而行之。莫不神妙集手下。聽_中吾

號令。倘草草看過。束諸高閣。更不留意。此一部產航。全屬畫餅。賜覽君子。莫然是幸。

一私說一二。與先覺不合者。卽是牧牛兒識鬪牛圖之微謬也。敢云自有發明。

一引用主方。畧書出處。然一一不瑣。恐反增煩。

一賀川蘭齋先生。諱某。僕於京師受業之師也。故獨揭別號。

一治證係同藩人氏者。皆不書地名。他則一一標出。以確其事。非故爲遠近親疎也。

一人委我以身命。祇當應之以忠誠。竭吾力耳。勿謂談笑解牛。此等之症。不足爲意也。萬一有不測令人握拳透爪。無所歸罪。此僕平生惕厲所在。特舉以告同志。

一余之固陋。或其取效得驗。全由先覺之靈。決非獨自成家者也。起號越人。原應有受。活陳華陀。豈亦無傳。况吾輩乎。

惟親識

凡

卷之一

二

吳郡志

產航

飫肥 桑原惟親敬夫 著

○育胎

凡人既稟精至分娩期莫不母氣以養之。氣即食氣。胃腑之所主也。當夫娠孕時。若飲食傷滯。胃氣不運。則其胎即死。譬鳥之抱卵。其肌溫融。通卵內化。成雛焉。溫亦氣也。若一旦棄去。俾卵數日結冷。則雖再抱之。不能成雛。以母氣中絕而無養之也。然則胎之資母氣而生成。不亦較然乎。然世人曰。兒之在腹內也。

有乳絡灌口兒資以育。然或有母誤踐則乳絡失所致兒不育。醫士亦有以此爲是者。不思甚矣。夫胞帶續至臍中。爲運母氣而已。視之卉木。其有理脉而達地氣於枝葉。盡莫不然。此不須饒舌而明矣。

候孕

始身者。經止三四日。而有血小下。後八十五日。乃可候之。

經閉三四月。未審妊否者。須早朝候之。既飯則食氣實腹。以壓子巢。故多難辨。

大凡婦人腹軟弱如虛。其及孕。類壯年男子腹拘攣者。而男子則胸下至橫骨。孕婦是臍下橫骨間按之。含溫潤氣力。不動地位。而無疼痛。此亦異於五塊矣。婦人有因癰瘰癧癥屬。而一兩月經閉者。其是否難。卽決。故如此者。須騎月按之。其物漸大。含溫潤氣力者。孕也。

肥滿婦人。有歲及笄而無經者。世人以爲不順。此非不順也。以血環乎全身。而不下行。故爾。大凡肥滿之婦。少行而瘦弱之婦。多行。然亦有血熱燥乾。或鬱火

熾焦因致瘦弱而經行少者蓋難一定也

蘭齋先生曰產後未經行而尋孕者難辨何月大抵

婦人自按其腹驚於一塊應手始請診察須問其塊

動否動則凡定為經六月也

又曰類孕有五塊曰氣塊曰血塊曰便塊曰水塊曰

風塊氣塊者多在胸下而動焉惟親竊按凡孕皆在臍下橫骨任道悉與

在胸下者沒交涉血塊者在左小腹左為血室其狀尖稜推諸右

則痛便塊者右小腹磊磊右為委食臍擠諸左則舉於不

容而痛甚者從任脈左斜大如瓜水塊者臍下寸許

大如雞卵。或如瓜而小。表浮。此方將孕。有物不能成孕。精水止在宮中也。施按腹術。則水下而消焉。風塊者。鳩尾至橫骨。通腹起脹。內如空虛。故名風塊。此經行。則愈之。五塊皆經閉而非孕者也。如風水二塊。虛軟圓弱。頗類孕焉。然果是也。則手下並無寶氣力。其中自有判然者。但此特罕見矣。

柳田氏妻。經閉四月。請余診之。臍下任裏有一塊。大如瓜。而無氣力。余曰。此水塊也。治之以藥。與手術。浹月有水或血下。乃施手術。與家方蘇木湯。二

旬餘一夕小腹攻痛。卒然水逆。其色清澄。翌早水止。痛亦隨減。腹中無物。余曰。出三旬則必有經行。果如余言。

候孕術

此術詳於產論及翼中。今有別法。先令婦人仰臥。醫者其左邊平心靜氣。分膝頭而坐。左手覆左膝上。右手則鎮婦虛里。動既而析。拇指與四指當其心下。順按及臍下。而須審其物。非拘攣與。非鬱結氣滯與。抑非癰癥疝瘕屬與。於是含溫潤氣力。軟軟應手者。孕

也。

受孕之地。在臍下任道橫骨內。以子巢在焉。橫骨隆者。候之不應於指頭。須指頭如剝腹皮。潛入橫骨內。於是乎可得虛實。

蘇木湯

治水血二塊及腸癰。

蘇木

大黃

各

枳實

牡丹

桃仁

吳茱

烏藥

各

牽牛

芒硝

各

右九味煎服。若有寒者。去芒硝。加附子桂枝。各

○漏胞

既孕有每月血小下者京師俗謂之獸孕劇則終至于此。

明珍氏妻每孕多墮胎然未太害嗣復孕亦似將墮突然血大下肢體倦惰頗異乎往年其後血且止且下至八九月又益劇請余治余謂友人曰此漏胞也今脈全無氣力血盡則胎死且促母命危不旋踵辭去三日血盡竟不娩而斃。

染工某妻妊娠五月至八月漏血不止百方無驗。

竟不起。此亦漏胞也。世雖以孫真人爲奇。此症恐非藥力之所及。徒視其死而已。然舉其方。聊備搜覽。

千金方云。姙娠血下不止。名曰漏胞。血盡則子死。

乾地黄搗末。以三指撮許。酒服。不過三服。瘥。

凡死胎者。皆宮口開焉。獨如漏胞。數下血。而宮口毫不開也。

○胎動並胎漏

李樾曰。心腹痛而下血者。爲胎動。不痛者。爲胎漏。今

按心腹痛劇則腰痛下血。此因別症發者耳。宜隨症治之。然疾劇而致胎動者多。墮胎雖有治法。濟全特難。其有宿疾而胎不旺。每致墮胎。此患亦不易防。若胎漏。是經血溢餘而下者也。故遇此證。須問平常經血多少。常多者。餘漏血也。或腹腰微痛而下血者。蓋虛羸之婦。犯房壓傷其胎。因致此也。須以整胎浮漂二術治之。安胎飲若膠艾芎歸湯主之。

古人所謂胎漏。又漏胞者。並是宮內蓄血耳。非自胎若胞也。而胎漏。是平日經血多行之婦。孕尚溢餘而

漏下者。無害於胎。宜安胎飲類若漏胞則因有宿疾致之。
或天稟虛弱。自然孕地不調。宮口不開。所以時時漏血也。

安胎飲

治胎氣不安。腰腹微痛。飲食不美。

當歸

芍藥

生地

白朮

各一錢

人參

川芎

陳皮

各五分

紫蘇

砂仁

子芩

甘艸

各三分

右姜煎溫服。

古芩朮湯

治胎四五月欲墮不安。此內熱甚故也

子芩一兩 白朮五錢

右水煎服。凡欲墮者前日必腰痛此即胎動也

今本于李槌之古杜續丸加杜仲續斷屢經胎

膠艾芎歸湯

治胎動不安若下血在八九月內小加砂仁

阿膠 艾葉 川芎 當歸各一錢 甘艸二分

右水煎服。

加味三補丸

治血黑成片者

香附子

白芍

黃芩

黃連

黃栢

各等分

右爲末。蒸餅爲丸。照常煎服。亦可。

當歸散

金匱云。婦人妊娠宜常服。

當歸

黃芩

芍藥

川芎

各一斤

白朮

半斤

右杵爲散。酒服方寸匕。日再服。妊娠常服。則不

唯。易產。胎無苦疾。產後百病。悉主之。照常煎服。

亦可。

李梴曰。熱者下血。必多內熱。作渴者。金匱當歸散。加天花粉。最妙。今按^{スルニ}妊娠內熱而渴甚者。石羔換^ニ天花粉。有驗。

肘後方 寧氏經
驗方

妊婦暴卒下血數升。胎躁不動者。此方主之。

榆白皮 三兩 當歸 地黃 各三兩 冬葵子 一升

右生姜煎用。

膠艾當歸湯

娠辰胎動下血。或每墮胎。三四月必下血。李梴

所謂熱者^{スル}。下血必多^シ。此方甚効。

阿膠

絕品

艾葉

黃芩

各品大

當歸

芍藥

川芎

白朮

各中

甘艸

小

右先煮七味。去滓。內阿膠。拌之。頓服。

○妊娠洩血

產論曰。洩血者。內熱也。凡諸血不由戶者。不害於孕。甚則危。大補湯主之。今按尿道下血。下焦濕熱者。必有之。而不由戶也。雖不害於孕。而勿輕視。宜加味四物湯。四物膠艾湯。海螵蛸湯類。又一種有似洩血。而

自精道下血者。即崩血也。甚者不日殞焉。宜疾投補血良方。若胎動漏下。則自人門下血。彼此自別。雖然婦人蒙昧。不能自辨。醫切檢之。勿誤主治。
加味四物湯

治下焦濕熱洩血者

當歸 芍藥 川芎 地黃各 山梔子中

髮灰 黃栢各

右照常煎服。

四物膠艾湯

李樾曰。尿血稍虛者。主之。據本方。加阿膠艾葉。
照常煎服。

龍骨蒲黃散

治尿血久者。

龍骨

一

蒲黃

五

右爲末。酒調服。此備急過崩之一良方也。醫常
懷之。遇產前後崩血者。即可投之。不然則吸西
江救涸轍。恐無及。

海螵蛸湯

治孕婦洩血或血淋

海螵蛸

即烏賊骨也 大

甘艸

橙皮

茯苓

各中

黃柏

小

右作大劑水煎溫服

大補湯

產論

黃芪

人參

白朮

茯苓

當歸

川芎

芍藥

桂枝

各五分

乾地黄

一錢

甘艸

右以水二合半煮取一合半服

○孕婦左腿痛

產論曰。孕婦左腿痛。有瘀血也。產後療之可也。折衝
飲主之。今按以爲瘀血者。左爲血室。故乎。然余屢驗
之。此症必當左臍傍下。左腿上一急筋。強按之。自
左胸下彎于足而痛。恐是疝瘕所致。疝瘕必多在左
以其屬肝經也。投加味抑肝散。奏奇効。
加味抑肝散

治妊娠左腿痛。或兩腿根。或左小腹彎急而痛
者。

芎胡

當歸

藟芎

白朮

茯苓

釣藤鈞

各五

分

芍藥 吳茱萸

各三分

甘草

一分半

右照常煎服。或加黃連五分。

又有右股根攣急于右小腹而痛者。此必燥屎也。大便快利者。前方有燥屎者。將桂湯。

將桂湯

治一切腹痛在右。及大便秘結而痛者。

將軍

一錢

桂枝

芍藥

干薑

各七分

甘草

三分

大棗

二枚

右水煎服。兼用潤腸丸更可。

潤腸丸

治一切秘結有燥屎而爲害者。

大黃

蕎麥

各等分

川芎

減半

右末糊丸。麻子大。常服十五丸。不徹者二十丸。白湯送下。

○胎水

李梴曰。妊孕經血閉以養胎。胎中挾水濕與血相搏。濕氣流溢。故令面目肢體遍身浮腫。名曰胎水。又曰子腫。多五六箇月有之。原因煩渴引飲大過。或泄瀉。

損傷脾胃虛不能制水血化爲水所制宜五皮散倍加白朮爲君氣喘小便不利者防已散濕熱盛者單山梔炒爲末米飲調服。

又曰。姪辰五六箇月。腹大異常。高過心胸。氣逆不安。胎中蓄水所致。若不早治。必然其子手足軟短。形體殘疾。或生下卽死。子母難保。宜鯉魚湯至腫消水散爲度。仍常煮鯉魚粥食之。

浪華江戶堀街綿買某妻。姪辰七八月。腹滿脹大。橫產露一手。家人遷延。余其脉微細。面色如土。頻

煩悶。乃執所露之手。徐引之。纔脫半身。其狀鉤彎。
又引之。全身隨脫。蓄水沛然下。而胎既死。形尤奇。
怪。顛顛斷絕。肉色濃紅。如截西瓜。兩目各在額邊。
炯炯如生。李氏所謂形體殘疾者。此婦次年又孕。
比及五月。復腹滿漸大。與加味五苓散。即腹痛下
水數行。脹滿頓減。至期易娩。子母安健。因知往之
殘疾者。水氣所致也。

同新報街八尾氏妻。妊娠八月。腹滿如敦。衆醫皆
以爲子脹。療之。至期不減。遂娩一男子。大如五月。

胎而腹滿如舊。余按之。有一堅塊。自謂必是孖胎。而膜中有蓄水。因致腹滿也。導之潰然溢。得須臾又生一男子。大如六月胎。前者即死。後者五日而死。

荒木氏妻。生一男子。不曾發聲。頭面如常。而無二陰穴。手足各一節。此婦亦是妊時腹滿。臨盆水大下焉。此等殘疾。由辯之不早。辯也。噫。殘疾異胎。圖別見。

五皮散

治風濕凝脾。經面目虛浮。四肢腫滿。心腹膨脹。

上氣喘息_上

大腹皮

桑白皮

茯苓皮

生姜皮

橘皮

各五

等

右水煎溫服。忌_二生冷油膩堅硬物_一。一方去桑橘

皮。換_二地骨皮五加皮_一。治_二姙娠子氣_一

_{醫學入門}

單山梔子丸

治_二肺與大腸_一。且能解_二五臟結氣_一。補_二少陰經血_一

山梔子

右炒黑爲末。蜜丸服。加_二破故紙能滋陰降火_一

鯉魚湯

治妊娠五六月胎水腹大異常高過心胸

當飯

芍藥

各一
錢半

茯苓

白朮

各二
錢

右煮鯉魚一箇清汁一盞半入生姜一片陳皮

少許同煎至一盞空心服未愈再服

鯉魚臙

本論臙一作粥按
說文臙肉羹也

治水腫滿悶氣急不能食皮膚欲裂四肢常疼

不可屈伸

用鯉魚十兩葱白一握麻子一升取汁煮作羹

臍入鹽豉姜椒調和空心漸服。

加味五苓散

治妊娠腹滿小便不利腰却浮腫此水氣所致也。若五六月或至期月胎塞橫骨小便不利腹滿臍下如覆杯者祇當行手術湯藥取効難矣。

茯苓

大

白朮

桂枝

猪苓

澤瀉

附子

各中

右水煎溫服。若大便秘結有燥屎者加大黃快

通腹滿頓減。

○皺脚子氣

又稱
脆脚

李挺曰。妊孕七八箇以來。兩脚浮腫。頭而不腫。乃胞漿水濕。下流微腫者。易產。名曰皺脚。腫甚者。平胃加木瓜散。挾外感者。檳榔散。白脚面腫至膝腿。喘悶。妨食。甚至足指間有黃水出者。謂之子氣。宜天仙藤散。如脚腰腫者。腎著湯。手脚腫者。用赤小豆桑白皮等分。水煎服。重者加商陸。

余療孕婦。歲以千數。大凡兩脚浮腫。或兩手微腫者。皆無害於胎。而見頭面浮腫者。最少。足指間黃水出者。亦甚罕。又有兩脚大腫。遂至于腰腹。甚者腰間膝

理堆開。狀如蜂窩。必前陰大腫。衣被觸之。不勝疼痛。其色澄白者。以三稜針刺之。無度。腫隨手減。手法有微旨。此症季春至仲秋。多有之。蓋以天溫之際。腠理愔解。風濕易侵。而孕婦腹內實滯。腰下虛脫。故必多兩脚而已。其所以無害於胎者。以與胎水異也。至總身水腫病。則大有逕庭。非可與此同論。

平胃加木瓜散

和脾健胃。扶根固本。兼有他症。照依藥性加減。溫補炒熟。消導生用。

蒼朮

二錢

陳皮

一錢四分

厚朴

一錢

甘艸

八分

木瓜

一錢

右姜朮煎。入鹽少許。溫服。

檳蘇散

治風濕脚氣。疏通氣道。

蘇梗

香附

各二錢

甘艸

陳皮

枳櫚

木瓜

各一錢

右姜葱煎服。加茯苓亦可。

天仙藤散

治孕婦兩足漸腫。以致喘悶。飲食不美。甚則脚

指間有黃水出。名曰子氣。

天仙藤

即青木香藤

香附

烏藥

陳皮

甘艸

各一錢

分

右姜煎入紫蘇木瓜各三分。

一作三片

同煎。日二服。

腫消止藥。今按喘悶者。小青龍湯加沈香。不問

產前後投之。沈香須是絕品。

防已散

治妊娠腫滿喘促。小便不利。

防已

一錢

桑白皮

赤伏苓

紫蘇

各二錢

木香

分五

右姜煎服。

桂枝丸

卷之二

卷之二

長壽堂

腎著湯

治腎虛傷濕身重腰冷如坐水中不渴小便白

利。

干姜

伏苓

各二

甘艸

白朮

各一

右水煎空心服。凡甘艸多量方。患者多惡其太甘因減之無効。余近單甘艸末作糊丸以本方送下。

赤小豆湯

治兩腳腫小便不利其腫至腰間及宜一切脚

氣腫滿者。

赤小豆

一合

桑白皮

商陸

各五分

右加葶藶伏苓各一錢。生姜三片。以水六合。煮取三合。去滓。溫服一合。

○惡阻

孕婦三四月內外。率有此疾。心中憤悶。吐飲食或痰飲苦水。好噉酸菓。頭痛體倦。起即昏暈。大凡惡聞食氣。有痰飲痼瘕之懷毒者。必患之。輕者不藥自愈。又有兼虬蟲者。不吐虬。則治痰飲痼瘕而不効者。更攻

虬。

凡孕患嘔吐咳逆者。以心下挿支飲。或問心下挿支飲。平常當吐逆。何必及孕始患此乎。曰孕則經閉。下腹實滯。氣難流通。夫氣如水。貴流通。惡凝滯。下室則上鬱。所以爲吐逆也。

浪華阿波橋畔。鰻魚店長七妻。經閉三月。嘔吐煩躁。其腹微滿。而臍下有溫潤氣力。更無一塊。余曰。此惡阻也。皆不信。曰。此婦數產。未曾惡阻。今何以病。諸旣而吐逆益劇。大便秘結。不圓十餘日。轉治。

數醫或攻虵。或治食積。不見寸效。八月後積羸。遂如狂。一日水血並下。而小產。終死。至此親戚始知。余鑑之不爽。雖欲幡然。嗚呼何及。按此婦前不惡阻。後翻病之。蓋是前產惡露未罄。因成癥結。而發此疾也。王宇泰證治準繩載桃仁當歸湯。治下血因瘀血作痛方。只恨無與之。頃某氏妻。常患疝瘕。及孕如前症。便投此方。卽瘥。又有一婦患此症。藥食入咽。輒吐。與桂枝湯加附子吳茱萸半夏。一服亦効。

虎翼飲產論

治惡阻

半夏 生姜 茯苓 青皮

右水煎服。嘔吐甚者。以伏龍肝清汁煎之。溫服。
今本於小半夏湯加伏令青皮。金匱云。嘔家本
渴。渴者欲解。今反不渴。心下有支飲故也。小半
夏湯主之。又云卒嘔吐。心下痞。膈間有水。眩悸
者。小半夏加茯苓湯主之。

青竹茹湯千金

治壬辰惡阻嘔吐不下食。

青竹筴

橘皮各十銖

茯苓

生姜各一兩

半夏

三十銖

右咬咀以水六升煮取二升半分三服不瘥頻

作。

橘皮湯

治同前。

橘皮

竹筴

人參

白朮

各五分

生姜

七分

厚朴

四分

右水煎服。

加味二陳湯 治有痰飲吐逆者。

依本方。加竹茹生薑各等分。水煎服。

指迷七氣湯 治常有積聚。及孕嘔吐者。

三稜 莪朮 藿香 香附 肉桂 陳皮

益智 青皮 桔梗 各等分 甘艸 小

右水煎服。大便秘結者。加大黃枳櫚。

芩苓湯

治常有疝。及孕氣滯。患惡阻者。

芩胡 半夏 茯苓 白朮 澤瀉 猪苓

山查

荔枝

山梔

各等分

甘艸

右姜水煎服。

治疝方

治疝兼食積。孕必惡阻者。

山查

青皮

各酢炒

茴香

大

枳實

蒼朮

香附

吳茱萸

山梔

炒

金鈴子

各等分

右生姜水煎服。大便秘結者。加大黃。得快利。則

嘔立止。

紅丸子

龍虎

卷之二

三

反

治惡藥汁者。此積塊所致也。

三稜 莪術 青皮 陳皮各五兩 干姜

胡椒各二兩

右末作丸。梧子大。以枯礬爲衣。每服十丸。白湯送下。若不知者至二十丸。

治虬丸

治虬蟲

鷓鴣菜大 烏梅中 黃栢 山椒中 秘者加

大黃。中 自利者去大黃。加甘艸。小

右末作丸。麻子大。每服二十丸。以生姜湯送下。

桃仁當歸湯

桃仁 當歸 玄胡索 生地 川芎 赤芍

吳茱 青皮 牡丹

右水煎服。嘔吐甚者。加半夏。臨服。姜自然汁。渾
二三滴以服。

黃芩加半夏生姜湯

孕婦嘔吐。且下利者。主之。

黃芩

五分

甘草

三分

芍藥

五分

半夏

一枚

生姜

汁自然

大棗

三分

右水煎。臨服薑自然汁。渾二三滴。以服惡自汁者。同諸藥煎服。半夏瀉心。倍加干姜湯。亦治孕婦嘔吐下利。腹中雷鳴者。

○妊娠下利

妊娠五六月。至期月。患下利者。脾胃小虛損。易傷於風。令因患此症也。予多年療妊婦。就中五六人。清瀉日劇。清穀下利。羸瘦虛脫。數月後小產。而多死胎。死胎者。母亦必殞。此脾胃虛損之所致。而原挾外邪者。

此率有少陰厥陰症。至虛羸已極。腹脹肌熱。或煩渴。手足帶浮腫者。雖有和緩。將裏足不前。故療此症。當及其初。若遲則必然落于危篤矣。

孕婦下利。人多分利。疾與澹泄。雖然。原是內傷兼外感者。宜隨症治之。

醒脾飲子

入門

治子利云云妊娠下利。

厚朴

草豆蔻

各五分

干姜

四分

甘艸

一分

姜棗

右水煎服。

近有一婦脾胃虛損。腹脹下利。日夜無度。漸于腐腸症。本方加禹余糧一箋。赤石脂一箋。服數貼得効。

加味金正散

治一切暴泄瀉者。

厚朴

陳皮

藿香

半夏

蒼朮

各一

甘艸

五分

大棗

生姜

右水煎溫服。脈沈細有寒者。加附子肉桂干姜。又有疝兼食積者。必小腹絞痛。而頻圓其色白。

滑。下重腰脹。產前後際。于秋季冬杪。必有此症。

加神麴。吳茱萸。茴香。肉桂。澤瀉。

通脉四逆湯

論云。下利清穀。裏寒外熱。汗出而厥者。主之。

甘艸

附子

各一
錢

干姜

一錢
五分

右照常煎服。

白頭翁湯

下利下重。欲飲水者。以有熱也。此方主之。

白頭翁

七分

黃連

黃蘗

秦皮

各
錢

右水煎溫服

葛根湯黃芩湯

此類並據仲景氏

○妊娠小便閉並臨產小便閉

附導水

妊娠四五月間小便室塞經時不通者則致腹滿急危症宜蚤治之數產或有疝瘕者多患之蓋數產婦宮系必不緊固故宮口下垂蔽塞便道有疝瘕者胎未實被之壓則胎宮並垂閉尿口因亦不通也宜以術導之

臨產已破漿或未破漿而兒頭閉塞陰戶小水不通

故力息止經三四日。腹滿氣急不能臥寢。倚几危坐者。則兒頭逼下。雖以指頭推納。毫不得通焉。余近得清川術。欲廣流傳。然頗奧妙。筆不隨意。故舍旃。

導水之術。令婦安坐。醫者背後。兩手緊當其橫骨上際。上送其胎。乃向本位而鬆通。於是施整胎浮漂二術。安排調理之。若腹滿危急。不得上送者。令之仰臥。醫坐其股間。以右手食中二指入于陰中。勾尿道垂蔽物。微帶推送意。則隨手溢逆。腹滿立減。氣急頓緩。另有產後洩閉術。宜參觀焉。

○被膜胎

婉被膜胎者。率在七八月間。至于滿月甚罕。胎孕腹
居之狀。人多不審。故遇婉此者。須熟視審之。凡胞胎
落地經時必死。須敏捷爪破其膜出之。若不發聲先
診臍帶脈。其脈相應者可含冷水以嚙。兒顏多即發
聲。或云此異於常孕。決不然。如夫常孕全身取次脫
從胞。而其胞仍在戶內也。故偶見之以爲異耳。

其胞仍在戶內者謂之胞衣也

異圖以爲如被膜胎。胞在腹中。其帶垂下。而出人戶。
胞與膜相離。其膜裹胎。人往往疑之。余往往在浪華新

鞠街久兵衛者妻。妊娠六月。產被膜胎。而胞猶未下。臍下微痛。遂脫下。余以爲奇。乃置諸盆上。而視之。胞膜相離八寸許。而胞蒂異常破。視膜中。兒蠢蠢微動。終死。臍帶至膜二尺許。提而視之。皮膜在臍帶半邊。於是始知子啓子。蓋見膜胎絕少。偶見此胞膜相離者。因圖如此耳。要之生生之變。不可執一而論也。

○臨產並坐艸術

孕婦至期。身肢共健者。卒然腹痛。或腰痛。或覺臍下微脹。更無腹腰脹痛。而須臾產下者。此卽生之尤易。

也。或腹腰微痛，延轉引日，率是母強子軟。初孕者多，有之。然胞水不逆，且無死胎候者，不足以懼。此症必不食，或嘔吐，氣逼心下，不下達，故陳痛不到。產論第一和劑湯，嘔吐不止者，小半夏類主之。

產前腹痛，且作且止，名曰弄痛。此症亦初產有之。遲遲四五日，則親屬甚憂之。媚鬼佞佛，百方禱禳，却生孕婦之心。於是洗母等，不辨宮口未開，胞水未逆，相共慙慙，令婦人努力，氣疲力脫，或招不測，愚暗可憫哉。而辨期不期，非無其法。雖然，傳之可以心，而不可

以筆也。

又漿水淋瀝來少。名曰試水。非爲是子宮開。胞水逆也。產論所謂膀胱之餘泄。其水必淋瀝而帶。至順臨胞水。則一齊迸出。如建瓴而水色清澄。無黏氣。當此時。候之。乃子頭髮隱然。應于手焉。

凡催生數淋瀝。或每陣疼。輒淋下者。必餘泄也。一齊迸水者。產論探宮術。可以辨之。吉凶遲速。

潤漿淋瀝。有一二旬。或至五六旬。切勿倉惶。其生必速矣。

余屢見二三旬者。獨宮河氏婢。淋瀝經四旬。家人大懼之。余曰。此餘潤也。不足懼。五旬後。遂胞水迸出。最易生。母子安健。

催生已試水。或腹腰脹痛。却未破水者。切勿令坐艸。至破漿一迸。腹腰並痛。肛門如拔。眼中如火。乃當令坐艸。兒頭下逼產門。自然發。努力於是。醫宜用力。一送若不知其期。而坐艸甚早。婦人用力大過。身體困倦。臨期不能用力。遂招害。必噬臍。詎容不慎。

孕婦產前。心下時時痠痛。噯氣吞酸。出食臭。或嘔吐。

痠痛隨加。下血或污水。如產下候。雖然是非陣疼。只其氣逼心下。毫_モ不下行。遷延累日。此飲食傷也。宜三物備急丸。大吐或下利。率隨下利而婉焉。多死胎也。實壯婦人被傷之輕。有無害者。然百中一二。此余所親驗_の。

順正臨盆。破漿而未產。已經二日。則通腹努脹。是子頭挿橫骨。因小便不利。其氣湊心下。於是力息必止。心下時時楚痛也。乃以瀦川術通水。力息來者。行坐艸術。有死胎候者。施_ス回生術。

又有膜旁破決。淋淋水下者。大類試水。此卽臨戶不免。故兒伸脚裂膜也。何以知其然。若夫皮膜未破。漿水不下者。探候之。每陣疼到。胞膜必脹。此症雖則兒頭被皮膜。絕無脹滿。故知其破決也。

又有兒落地不發聲。其色清白。口出白沫者。必喘。古人云。其色白者。肺藏虛怯也。按毒盛喘急者。百藥無效。余有一方。附後。又有不出白沫而如死者。此等症。須診臍蒂動。其動初微而漸强者。生。否則死。又一法。先含冷水。嘿兒顏。卽必發聲。猶未也。則鳩尾或田樞。

灸一二壯。

妊婦不被劇害。而遇艱產者。率獲諸世俗二禁也。一鎮帶緊紮。二屈脚寢卧。彼困弊疲弱之人。而束縛窮苦之。以微纏枷械。則不病且斃者。殆罕。嗚呼夫妊婦其爲困弊疲弱。率莫不然。寧可以此二禁束縛窮苦哉。且其理視諸艸木而尤明。方其生萌芽石以壓之。樹以竿之。則鬱屈屯蹇。雖欲茁然伸暢。其亦極難矣。此卽子玄翁之所發明。而余懇曉於人者也。我藩近年衆人皆知其害。舊習漸祛。然亦徃徃有沈迷者云。

此古來相傳之法。胡可廢棄。余於是深知做銅者難。革舊染者難。新也。噫。

臨盆探之。破漿已逆。湏令坐艸。陣疼切緊者。自旁助之。婉焉。既施。按腹整胎。無食傷外感之患者。則候破漿來。乃令其坐艸。前置尺餘小兒。凭之。湏令洗婆著其背後。應於陣疼。攢其肛門。手指尖至會陰產婦此時時脚尖而俯凭焉。及子頭出戶。醫乃兩手承持。向陰門上邊。拔取之。置於傍。而後令產婦跪坐。以息之。兒落地。即不發聲者。或有臍帶繞其頸一二匝。湏加意以解。

除之。否則絞其咽。招不祥。

此條頗本於翼而統作左統余數驗之不必然。

翼云。晚期已至。漿已破逆。胎猶在上。經時不得娩者。

救之之術。醫踞小兒。與婦相面。兩手指頭向上。

今按

不便於用力斜向下却好。

以掌按不容穴。左右令婦兩手緊持醫。

頸。舉體懸任。醫左右膝頭着婦小腹。醫仍生腰反背。

每陣疼至。作之。其胎自然下。入門。又死胎有探之不

得者。先用此術。強令努力。胎乃下向。即回生術脫之。

救產之術。大要在坐艸矣。而其術蓋備焉。順臨死胎

者。回生術以出之。倒產露一足。或兩足。或半身者。除

倒術以脫之。坐生得尻肛者。拔坐術以挽之。裨手產
露一手傍得頭者。正偏術以救之。胞衣未下。宮口不
歛。則用釣胞術。橫礙必死。則施易橫術。胞衣滯得。宮
口收縮。或胞蒂斷截。則設脫胞術。抑夫尋常如達此
天然易產。固不假人爲方。其有拆副。自非勞伎。何
由赫厥靈乎哉。其術之備。良有以也。

○蘭齋先生死胎辨

漿水迸下而不娩。經一二日者。率死胎也。雖催生經
五六日。或十日。而未破漿者。生胎也。

惟親窺按此辨順臨難娩死胎。兒健則逆漿一日。
猶有生者。兒弱則霎時而死。○若生胎。經二三日。
而產母氣力必不衰也。虽死胎而有陣疼者。用坐
艸術^{ニヤ}挽之。猶未也。則行回生術^{ニヤ}。○醫知已破漿而
不知其期者。陣疼緊密如產下候。此其期也。問之
可知。因考距期淺深判胎死生。
催生或臨娩見崩血者。率死胎也。力息緊脈浮數者。
生胎也。

催生不論順逆。血塊磊磊下者。死胎也。此症雖作

力息而瘀血將下。故有死胎。微若血見其血少。而陣疼數者。生胎也。凡崩血症。兒軟弱而失本位。故血脈動也。獨宮中畜血下者。以術挽之。母體必無後患。

胞蒂先出者。率死胎也。臍蒂與血並下者。亦死胎也。胞蒂先於胎而出者。橫逆之類也。又有神手產。而胞蒂先出者。生胎絕少。破水後。卽挽之。則胎多不死。

力息陣疼並漸止。喜眠眩。脈沈遲者。率死胎也。

此症爲生胎催生。雖然陣疼不緊。喜眠睡。脈沈遲。
一若死胎。然此以母力疲弱也。又有難產母力頗
脫。陣疼間。生眠睡者。然未破漿者。生胎也。凡生胎
喜眠者。有氣力疲弱狀。以術分娩。卽覺。雖然破漿
後。蟬緩移時。其脈沈遲者。死胎也。凡有死胎徵者。
須以回生術敏捷脫之。

橫產露手至臍者。率死胎也。手指獨出者。雖或有生
胎不疾。以術挽之。轉移間。變爲死胎。其手指與胞帶
並出者。死胎也。

橫產先露手指若肘者難辨死生然子頭仰手者
有生胎手獨出者即橫產也凡橫產探之得腋或
背或肚腹者以易橫術挽之否則忽爲死胎母亦
至危篤也必矣

逆產兩足出而不挽經半胸者死胎也

逆產已破漿出半足或兩脚者若不速挽而兩腋
或頸腦礙者忽爲死胎須疾以杼倒術出之

論並
術具

于倒
產條

妊娠數月脫血者率死胎也古人謂之漏胞大半母

亦斃矣。

未至_二婉期_一。腹痛或不腹痛而血下者。死胎也。偶有安婉然可懼。產母音聲吐納如常。而多_久竟弗起。○
妊娠二三月。不腹痛而漏血者。或不害于胎。有痛者。多_久流產也。○又有比及八九月。腹痛脫血者。多_久無害。不腹痛而脫血者。必有害。然胎漏下血。則或無傷于胎。

妊娠及八九月。患水腫病而傷產者。率死胎也。或水腫病。八月至期不流產者。多生胎。雖然。齧腫大滿而

氣急息迫者死胎也。

母氣強壯則能毓其胎。若病毒深侵內則必母氣衰耗而不能毓之。故率成死胎。此不特水腫病諸病毒劇因隨胎者死胎也。凡死胎多必促母命。今獨舉水腫病者記其重而已。○七八月至期雖大齧腫而其胎無恙者以不侵於病毒也。雖至期保之。齧腫大滿而氣急息迫者死胎也。凡難產生胎也。則娩後母病亦隨愈矣。若水腫病死胎母病似輕。娩後必劇。竟致奄忽。須切辨之。

第一和劑湯

治臨盆其氣逼心下不降下腹催生遲延者凡
催生婦勿論虛實寒熱通用。

附子

白朮

黃芪

芍藥

桂枝

各一
錢

當歸

干姜

芎藭

茯苓

各五
分

甘草

一
分

右以水二合半煮取一合半服之。

三物備急丸

卒然腹痛或嘔吐惡心或飲食停滯者不拘於
產前後此方上之。

巴豆

去殼心

大黃

干姜

各等分


右爲末。糊丸。菉豆大。可完服。

賈人清右衛門妻。妊娠七月。嘔吐下利。大渴。引飲。而飲食入咽輒吐。既五日。大勞疲。瀕於死。診之。六脈沈微而數。腹堅確如石。余曰。此胎已死。然必墮。與茯苓澤瀉湯。服二盞許。吐益劇。水血微下。腰腹脹痛。遂墮胎。而瘀露一滴不下。故臍下微痛。與烏藥湯。卽吐。心下有一塊。按之輒嘔。又臍左側有大動。按之輒痛。是動隨臍貫上。而逼肋下。強按下。

之嘔吐終止。余以爲此原傷食而嘔吐。故腹內空
虛。疝瘕乘之而動焉。每動輒嘔。所以胎亦不育也。
與三物備急十二丸。抑按其動。吐半減。脈沈微。與
附子粳米湯。吐終止。疾服二貼。周身發熱。脈浮而
數。頗有力。明日又大渴。欲飲水數升。舌上白胎。與
白虎加人參湯。於是嘔渴並止。利未止。脈遲而無
力。殊惡食。臭蓋雖是病邪已去。而胃氣虛耗。故不
欲食也。作香砂六君子湯加枳實。服二貼。便欲噉
稀粥而漸甘食。六脈復素。夫妊娠因積聚而數月

嘔吐者。必不害於胎。今五日而其胎死墮。故知此
原傷食室中氣。而胃氣不運於胎也。嗚呼甚哉。傷
食之害於胎也。





產航卷二

飫肥 桑原惟親敬夫 著

○發癰論

或曰。妊孕七八月至大期。發癰者。此原體虛受風。而傷太陽之經絡。後又遇風寒相搏發也。則口噤背強。痰涎壅盛。昏暈不省。醒作有時。謂之兒暈。又曰子癰。又曰瘕。甚則角弓反張。或曰妊孕中風名子癰。因體薄受風寒。今按此論。並以爲侵於風邪。而癰瘕因同。故治方以小續命者。大非也。產論云。其人七情鬱結。

太甚。則內火燭盛。熱薰大腸。怒揮憤起。上動委食之府。是爲子癰。故其病必右。翼云。此症多有燥屎者。又云。有平日多妬。夫妻反目。怒火熾盛。因發此病者。蘭齋先生曰。平常沈默婦人。因怫鬱而患此症。三說大同小異。余療此症。不下數十人。其狀頗相類。雖然有下利而發者。則不止有燥屎者。或伶俐和諧婦。亦病之。則難必鬱結多妬者也。其佗人人聚訟。不暇辨析。竊驗之。大凡二三日。前目視眈眈。而頭痛惡心。此頭痛恐非由太陽經絡風。此將發之機也。其脈或緊。或弦。臨和祇是上逆氣痛。

發必嘔吐。頗類停食症。吐一二次。食物或苦水。既發則振手噤齒。天吊直視。口出涎沫。身攣急。或右或左。由此觀之。古人以爲屬五臟者。似有理。而未審爲何。因何經。蓋目視眈眈。不省人事。搐搦攣急。此皆関肝經者。與尚俟大方明裁。

會一婦人妊孕八月。食熟柿。暴泄下利。卒倒不省。攣急天吊。搐搦煩躁。一晝夜。因投數方。兼施救術。不過折發勢。更作單甘艸煎與之。攣急即止。頻服之。則不復發。困困然如睡。翌日申牌。居然娩死胎。

此婦卒然發癰。更無前機。余未目擊此類。

妊孕發癰。十八九死胎也。方其未醒候之。雖宮口開。難辨陣疼有無。切望之。有其狀如睡。面赤小。見力息者。此陣疼之徵也。是時推導胎於下腹。則必婉癰亦隨止。或婉後歷數時。再發者。多有燒眉之急。甚可憫。發癰中自婉者。蓋鮮矣。可候宮口開。以回生術脫之。又有一種其勢較緩。而鼻出沫。口吐舌。宛如小兒弄舌。危篤症也。翼云。發癰吐舌者。不治。

發癰分娩者。醒後尚目視不瞭然。此余所歷驗。

或問孕婦有癰而無瘰何乎。曰。妊孕內實。所以無瘰。病大陽病而內虛。則瘰。仲景氏云。太陽病發汗太多。因致瘰。又云。夫風病下之。則瘰。此謂汗下過度。津液竭而內虛。因致之也。此其大凡。然難偏執。

又問癰瘰之別。曰。要畧云。瘰爲病。胸滿口噤。卧不著席。脚攣急。必齟齬。癰爲病。昏暈不省。天吊直視。搖擗拘急。其畧相類者。特攣急耳。餘則自別。

救癰術

發癰婦人。令其仰卧。醫著其左邊。而起右膝。足踐其

左袂令體不得動。右拳當肋下拘急者而按抑之。左手指頭鉤其右脇皮。又以左手蓋右拳甲。一齊用力。折上憤勢。噤齒隨開。即可灌藥。發癰劇者先處方施術。候宮口開。以分術出之。不出者更行回生術。大凡及媿癰亦乃止。

單熊膽 初發癰者一切主之

熊膽一味一二分。熱湯和勻。頓服。噤齒者以曲頭管灌下。

三黃加辰砂湯

產論第二和劑湯。但異分量耳。

先以術折憤起勢。後以藥宥病力。

大黃

黃芩

各七分

黃連

五分

右照常水煎。去滓。加辰砂五分。攪而頓服。劇者一爰。一切治痢咸効。

甘艸半夏湯

姙孕暴泄下利。天帛直視。不知人事。

只出涎沫。痢中尚下利無度。痢更不止者。主之。

甘艸

三錢

半夏

七分

黃芩

黃連

各一分

右照常煎服。

曩遇下利發痢婦。初以苦味不治。乃以單甘煎。

奏奇功。今此方亦甘艸爲君。嘗於浪華得之。書
備後試。

傷寒論。甘艸瀉心湯症云。傷寒中風。醫反下之。
其人下利日數行。穀不化。腹中雷鳴。心下痞硬。
而滿。乾嘔心煩。不得安。醫見心下痞。謂病不盡。
復下之。其痞益甚。此非結熱。但以胃中虛。客氣
上逆。故使硬也。此與甘艸半夏湯。方症並相類。
翼又有參連湯。使用已久。大抵以苦味抑拘急。
而猶未則還以甘味解之。可也。雖然。疾非一證。

法非一轍。多多益辦。此醫之能事。

抑肝散 妊娠七八月。氣不舒快。時眼斜口喎。或目視眈眈。頭疼者。此發癰之機也。主之。

柴胡 釣藤鉤 赤箭 姜蠶 當飯

各四分

芍藥 白朮 茯苓 芎藭 甘艸

各二分

一分

右照常煎服。加辰砂三分。尤妙。

一刀丸 發癰諸藥不効者。投此方。

水銀 黑鉛 辰砂 金 雞冠石

三兩

一兩

二分

五分

二分

右水銀。同黑鉛熬合。稍寒。而後三味和勻。煉密。

爲丸三分先服其一。溫酒送下。惡酒者用白湯。

不愈則尽一劑。

按錢氏五色丸治五癰其品相類然不如此兼用諸方尤愈也。

單未方

未

即水銀也。一兩或二兩。

冷水送下。莫不愈者云。但余未試。姑備一驗。

○產後發癰

某氏妻。始身二三月。病阻。不納食藥。至四五月時。腰腹疼痛。下利下重。因大虛羸。余以爲今有吐利。此疝瘕所致也。與主附屬。吐利漸減。母力漸旺。胎稍實長。期月易娩。後九日一喝猝倒。家人驚劇。

引余天吊直視。顏口牽急于左。脈沈而數急。左臍
傍有一緊急如柱。或疑是瘕病。余曰。癰也。叩之曰。
此婦天吊直視。牽急于左。而無背不著席。齟齬症。
故知非瘕也。乍醒乍發。發則脈沈。醒則脈浮。已五
發後。雖醒而不過天吊牽急止。與備急參連沈香
天麻湯三黃湯熊參類。不一效。余意非是。苦藥之
所適。乃作甘艸濃煎服之。勢稍寬鬆。至翌午漸醒。
雖然時時愁哭。轉方一服。忽然牽急。因又服甘艸
湯。脈數而臍上有動。更與炒甘艸湯而漸漸復初。

甘艸湯

治一切急迫搐搦上竄者。

甘艸

一兩千金用二兩

右以水二合半。煮取一合。

炒甘艸湯

論曰。脈結代。心動悸主之。

甘艸

四兩炒

生姜

桂枝

各三兩

人參

二兩

生地黃

一斤

阿膠

二兩

麥門冬

半斤

麻子

仁半斤

大棗

十二枚

右照常煎服。

甘艸芍藥當皈大棗湯

治產前後通腹拘牽。或急

迫者。

甘艸

芍藥

當皈

大棗

右照常煎服。

○瘧病并術

或曰。風邪傷太陽之經絡。後又遇風寒相搏。曰子癰。
又曰瘧。此說混同不別。仲景氏曰。太陽病發汗太多。
因致瘧。李挺曰。產後一月內。不可脫衣洗浴。強起離
床太早。以致外感。身強。角弓反張。名曰蓐風。此即瘧
也。瘧之初發。腮項強而能言。漸牙關不開。不能飲食。
終必角弓反張。翼錄術而不錄方。其方輕者。葛根湯。
重者。大承氣湯。類率非汗下。則不能治。牙關緊急。不
吞下者。以術開之。猶不得開。則以曲頭管灌之。

浪華平野街一塗匠妻。易產。後九日洗浴。其夜腮
項強急。明旦最劇。來請余。以其街中多醫家讓渠。
經數日。復延余曰。荆婦雖延數醫更療。而其症益
劇。非君則無以托。化生爲死。亦唯君。變枯爲榮。亦
唯君。往視之。噤齒。背不著席。一見判其瘞也。據張
氏治之。不出數日。霍然。其喜可知。張氏儒門事親
云。一貧家一男子。病破傷風。搐牙關緊急。角弓反
張。棄之空室。無人問者。時時呻呼。余憐其苦。以風
藥投之。口噤不能下。乃從兩鼻竅中灌入咽喉。約

一中椀。死中求生。良久。上涌下泄。吐且三四升。下一二十行。風搖立止。肢體柔和。且已自能起。口雖開。尚未能言。余又以圭支麻黃湯三兩作一服。使啜之。汗下周匝如洗。不三日而痊。

其書有圭支湯麻黃湯而無圭

支麻黃湯。余則合方與之。猶仲景氏所謂各半湯也。

京師賈人某。一日來請蘭齋先生曰。鄙女卒然發癰。卧不著席。一晝夜。衆醫濫投。有加無愈。遂咸却走。歛手待死而已。若台駕貴臨。以妙方見救。從此生之年。皆先生之賜也。先生即發。余從焉。一察之。

下。私余曰。此瘕也。因小產而發者耳。今血癸撲。其符顯然。不蔡可卜。而渠不之告。必有以也。余乃招其父於間室。語之。乃大驚。舌橋然不下。良久曰。精哉先生之爲醫也。鄙女今年十七。妊孕五月。以未許嫁。恐引風聲。故竊脫之。藏頭沒尾。欲滅痕跡。先生炬眼。一見洞燭。露出馬脚。何以得相瞞乎。願少垂哀憐。先生蹶然。作大承氣服之。一時許而下。泄一大利。困困安睡。次服大柴胡加石膏。三日如素。其父以手加額。謝再生之恩。

其術先令婦跪坐。

若既反張而仰臥或側臥者扶起施術不必泥文。

醫者其

右邊左手踰其頸上而指入左腋下。

右手則折其指。

與四指抑心下攀急者。

左手反膊用力而詘其勢是

以不得反張乃可令服藥。

若未柔和則勿休術。

張氏風藥

瘕病或破傷風角弓反張時時呻呼者主之。

大黃

二錢

甘遂

一錢五分

牽牛子

二錢

硝石

右咬咀三分照常煮三味去滓內硝石煑消頓

服。

本書有藥味而無分量故今如此。

大承氣湯

金匱曰。瘕病。胸滿口噤。卧不着席。脚攣急。必齡

齒。可與此方。

大黃

四兩
酒洗

厚朴

半斤炙
去皮

枳實

五枚
炙

芒硝

三合

右以水一斗。先煮二物。取五升。去滓。內大黃。煮

取二升。去滓。內芒硝。更上火。微一二沸。分溫再

服。

按厚朴獨炙之大枳
則不炙作方却可。

大柴胡加石膏湯

一切瘕病主之。

大黃七分 柴胡五分 黃芩 芍藥各二分 枳實二分

半夏三分 大棗一斤 生姜二分 石膏七分

右照常煎服。未泄者。加芒硝五分亦可。

桂枝麻黃湯張氏

反張身強。解後猶未柔和。候之。表證猶存者。主

之。

桂枝 芍藥各一兩 甘艸七分 伏苓半兩 麻黃一兩

官桂七錢 甘艸三錢半 杏仁二十箇

右粗末。每服三錢。水一鐘。姜棗一同煎。至七分。

桂枝 卷之三 桂枝湯

溫服汗出自解

倒生

產論云。倒生。其孕本亦背面而上首。故其生遂自足踵而出也。蓋古時未知其胚胎之初所已倒錯。而以臨產遽變者。妄論耳。可謂具有特識矣。余每遇倒產滯礙者。輒據其手法。奏功特多。而其露足不必倒產。宜予細之。不然。則猥引之。有難足踵斷人戶破而毫

不出者。余往年殆誤。書備後鑑。

有一處士來請曰。賤妻臨盆露足踵已二日。母力

日衰十死一生。敢仰勞駕往視之。母精虛耗。不能
開眼。直執兒踵以引之。巖然不下。又強引之。唯母
體移下而已。於是極意施回生術。胎乃始隨手力
而下。奇哉。右足踰於頸項。而露足踵者也。此類雖
甚罕。而不可不子細。

余每療倒產。及催生陣疼。膜漿未迸者。探之戶內間。
膜而得如薄絹包一小物。非手則足也。即爪破其膜。
膜裂而手出者。裨手產。或橫產也。露足踵者。倒產也。
如順臨已破漿。雖經一日。有未死者。倒橫二產。則經

一二時必爲死胎故倒產未破漿爪破其膜而見兒足者神速拔之不可失機會不然則必有反水不收之悔。

杼倒術

倒生探之子宮外得兒足踵者令婦倚葦高枕仰卧開股而重捫其足大指審辨左右得左足者却索右足得右足者却索左足既齊得之乃以右手食中無名三指股間提左右足跟左手則抵人戶下邊俾之無傷而後醫起腰據膝頭用力急拔之乃分娩矣如

醫未至。子已露一足。見膝若股髀者。此多死胎。不復得索。

左右而齊之。緩則母不勝痛苦。多致禍焉。唯當疾以

綿衣裹之。而露左足者。以左手從人戶右邊緊引之。

露右足者。以右手從左邊緊引之。於是髀灣近人戶。

因以左手次中二指。鈎髀灣而出之。通腹皆出。兩臂

礙住者。可緊引之。而從陰門下邊入左中指。探兒左

肩膊。循膊而索臂灣。鈎指頭引之。臂乃屈折而出。又

以右手探兒右臂。出之如前。兩臂已出。頭面仍拒橫

骨不出者。當以綿衣裹兒體。左手緊引之。而從陰門

下邊入右手手中指探其口領乃以指頭鉤口中稍緩左手而右手則引之於是兒頭俯出用此術者鮮不得分娩矣法本于論及翼

裨手產並橫產

裨手產者其產順臨而裨手於子頭也當陣疼破漿時候諸戶內辨其手足得手指則却索子頭審其正偏子頭已正臨而傍得手指者即是也須以坐艸術出之若子頭少偏者先推納兒手整頓兒頭俾其正臨而後可施術其產必及破漿臨盆而始有之如橫

產則自妊娠中已含其機。所以然者。鎮帶緊紮。腹內
不得寬濶。自然其胎歪斜。及期橫卧。產門也。翼曰。橫
產有探得其背者。須令婦高枕。開股仰卧。醫用左手
指頭。推轉上送之。得其腰曲灣處。乃用左指頭。從兒
脚間入。鈎其體引之。其脚乃出。若不出者。依回生術
救之。余曾試之。覺其未精。偶有壯精之婦。陣痛衝劇。
其胎自移。腰脾或兩脚。或一脚出。而不假奇術。得分
娩者。是天稟壯健。且運命未盡也。可謂大幸矣。如母
精虛脫。陣疼亦不至。露手或得背之類。雖用左手指

頭推送之而未見有轉移者也。論曰。遇橫產露手。剝去之則可得救。余依此法。而誤者數次。於是反覆精考。更得一術。後於蘭齋先生門。復得一法。合其意與余手法。名曰易橫術。施諸衆婦。隨地有功。其法頗奧。自非面授。則不能了然。於筆頭。然非秘而不傳也。君子諒之。

坐產附術

論曰。有探之得子。醫尻者。名曰坐產。蓋於胎內醫坐。而腿灣上折。脚著於腹。脚尖却會顚下。至期乃應陣。

疼而醫尻先下者。探得之。卽是也。又有倒孕上首而鎮帶緊紮。至期尙不解之。是以脚不能伸。醫尻先出者。又有上首者。因洗婆之誤。而爲坐生者。若夫腿灣上折而育者。娩後多仍難伸。而膝頭亦不屈。治之之法。須強伸之。裹以綿衣。令其不上折。每二便通輒換綿衣。如此而經數日。則免爲不成人矣。此元倒生。故不疾出之。必易殞命。其法有二。先令婦高枕仰卧。開股豎兩膝。醫坐其前。以右手探之。得醫尻者。或誤腿領。故男子探前陰。畢丸以知之。或無論男女。探後陰。

以糞通知之。於是待陣疼至。以左右中指鉤兒兩腰
曲灣處。而可應力息。左右遞引。及兒腰眼出。醫乃以
兩手持兒兩髀。強引之。八膠已出。以中指鉤左腿。或
右腿。而拔一脚。一脚已出。又拔一脚。兩脚已出。裹以
綿衣引拔之。如杼倒術。一種有腹面者。宜精察。施此難娩者。亦
令婦仰卧如前。醫坐其股間。豎左膝。左手抵人戶下
邊。以右手食中二指入陰中。強進之。至兒股間。探其
左腿灣。而引之。左脚已出。又拔右腳。此二法。余每所
施用。若夫死胎經數時。胎高而遠於人戶者。又有法。

孿生附術

論曰。任脈窪成一道者。爲孿胎候。然此惟五六月間見之。至九月。則隱不見。但腹左右大脹。狀有稜角。而腹面却平。又曰。一倒首向下。一豎頭向上。胞衣各一。是孿胎正者。或雙首向上。或向下。共一胞。胞皆大如盤。是孿胎奇者。余見孿生。凡五十餘產。大半陰陽胎。而男或先出。或後出。所謂一順一逆者。僅見一婦。而一胞二帶也。其餘則雙順雙逆。而雙順尤多。見各一胞者。二一在雙順。一在雙逆。比諸常胞。其形稍小。曾

驗之。任脈窪成一道者。有無未可必。而又有前腹突起者。

浪華權屋街一商家妻。妊八月。前腹脹起如抱瓶。一無皺理。瑩然有輝。其脈微數。時有渴。婦曰。不得側卧熟眠者。已二月餘。勉強膝卧。忽覺氣急煩悶。余私語其夫曰。此攣胎也。且有水氣。其臍不禁解亂。是凶兆。後必有殃。雖然產則易矣。至期陣痛太劇。僅二三至。生一男。續復生一男。而一胞與後生並下。奇哉。二子小大均整。難爲伯仲矣。少間血

大下。煩懣擾亂。余曰。此崩血也。須急令之側卧。別有救法。不然命在呼吸矣。再三懇懇。不可曰。荆婦每產如此。未曾有害。莫煩軫念。余以爲其婢斫至此。不復可說也。乃辭去。翌日果以斃告。

有以左順右逆爲攣胎之凡者。豈以陰陽升降之理而言之歟。此亦難必。雖然。如一順一逆。順者先娩。逆者後娩。同胞衣而但中一薄皮。

後娩催生多。必有力。息陣疼。如胞衣將下。唯臍下微脹痛。或覺人戶突出耳。力息陣疼。則必無也。然或有

無其候而婉者。宜精察甄別。

孿生之胎。比常稍小。大抵如七八月之胎。若胞衣未下者。試可引胞蒂。引而不下。則察腹內虛實而決之。後胎未產。或疑於正產。後有水氣者。大抵按腹判其是否。尚未也。則令婦仰臥。醫著其左邊。左手抵婦右脇腹。以右手微叩左腹。其動應左手下。漉漉有聲者。水氣也。

臨期。雖知爲孿胎。勿俾婦悟。恐其羞慙而發顛暈。招害亦未可知。故後生。則稱胞衣。胞衣則稱血塊。

一順一逆。而逆產後生者。滯礙則可以_下。授術拔之。
當此時。婦人不勝酸楚。只欲免於厄。故雖覺爲_二孿產。_一
不遑羞慙。自可無妨。

雙生一齊發啼。則婦人不_二管生心。_一或忌諱。止之之
法。宜縮其手足。爲胎居貌。其寂然也。速於稱遠來矣。
二胎一胞者。其大倍常胞。而必二蒂也。拔之以鈎胞
術。如挑新菜。

雙順雙逆。或各一胞。又有一胞而一蒂二支者。

或曰。孿胎生死。準於先燒。以余所觀。如一順一逆。逆

產後出者滯礙則獨逆產死已亦難一定。

舉孿術

舉孿之術。畧備於翼中。而其言曰。雙逆產。見兩兒醫
屍者。尤艱產也。其施術依疑不決。必致子母雙斃。余
嘗遇此症。乃令婦仰臥。坐其股間。探之。曾無相競之
勢。因以右手食中二指入陰中。而排右胎。放他出地。
於是左胎纔有競勢。乃以拔坐術出之。且將息少頃。
而以整胎術處後胎於本位。亦施拔坐術。雖雙兒已
死。母則得全。又有一兒手一兒足一齊露者。其法亦

見翼中。不載於此。

論曰。駢首向下。胎已死於腹中。分行而並下。其頭各陷兩股者。法同生胎駢首。余曰。左右分行而死者。施回生術。生者。行整胎術。俾一胎向人戶。必陣痛至而競出。未破水者。爪破被膜可也。雖然分行者甚罕。

翼曰。凡雙胎。一順一逆。而其先娩者。兒體必小。以其受胎在後。故所處亦近。所以先娩。如後娩者。反是。故後娩多滿月之胎。先娩多未滿之胎。二子謂一順一逆者。各有一胞。於是立前後受胎之說。雖然一胞雙

胎者亦胎有二大小故余以爲一栗駢仁。一宮變生本是一理。栗有大小不同。人子獨不然哉。蓋皆出氣之歎足已。然則小胎先娩者何乎。曰。小者易出。故必爲之先。亦非有他也。

崩血 並 過崩術

翼曰。凡卒暴大血脫下。名之曰崩血。其因有數種。有分娩後。產婆欲下胞。強按腹動血。因致之者。有分身後。緊束鎮帶。仍起步就椅。因致之者。又有發嘔吐。輒血大出者。今按。其證有二。如宮中有畜血者。娩後或

經閉。或小產。率皆脫下。其色深黑。此則不足恐也。尤可恐者。精道崩血已。產婦有故而動血。血從精道崩流而下。色綠紅。如金瘡箭血。產後不異平素。而忽然而面色失紅。不知人事。上竄一喝而死者多矣。若夫壯實婦人。少頃能勝此者。余有一術。舉于左方。

翼曰。胞未至而崩。仍發暈者。尤爲極惡候。余曰。臨盆未娩而崩。或小產。其胎未墮而崩者。並爲極惡候。凡產罷。須察草上漏露多少。其血大脫下者。便令婦右側臥。醫倚背後。右手抵右臀肉。左手按左臀肉而左。

右一齊用力緊合此手意要閉陰戶而俾脫血畜停
又一法精道崩血其色綠紅而發虛暈者速令婦右
側卧醫就背後而坐右手從左脇下進心下輕按
之以救虛暈必勿緊按更以左手中指從後入陰中
屈指頭以塞精道口於是脫血頓止施前法不遇者
則行此法有帶者可解去主方參耆膠艾湯

參耆膠艾湯 治虛弱婦人精道崩血必發虛暈者

黃耆 阿膠 艾葉 人參 白朮

精製如綿者○各大韓產極品

黃芩 甘草

各中少

右七味。去人參阿膠。其餘五味。浸一二歲男子。便一宿。乾之。常貯筭中。臨急煎服。凡婦人前陰下血過多者。何症此方主之。若脫血中有渴者。不嫌於其脈微。倍加黃芩。加石羔粳米。煎服。神效。

產後小便閉並洩閉術

翼曰。凡患此者。有二種。其一。臨產兒未出。產婆強按其腹。腹內子宮與兒胎相軋。子宮因致傷。腫起張墜。以塞尿道。而然其一。子宮追下。梗於便道。此二症。

因雖異。其候則同。蘭齋先生曰。此婆子不知其宮口未滿開而強令之努力。故子宮追下。娩後乃塞尿道而不通也。余曾驗之。所謂子宮追下。梗便道者。十居八九多易產也。而其不屬諸產婆者。亦或患此。然則是惡露下少。畜瘀爲塊。因子宮張墜。以壓尿道。小水不通耳。按爲塊者。因有寒也。古人曰。熱則流。寒則凝。又有冒宮胎者。雖幸

已。娩。宮口猶不復本位。而梗尿道。不必皆由產婆之誤也。余有三術。其二則已出導水部。其一令婦仰臥。腹滿氣急。不能仰臥者。令高枕臥。醫就其右。豎膝而坐。左手覆婦心。

下。右手置橫骨上際。起腰。張兩臂。左右齊按之。而恐水氣之逆衝也。故左鎮之。欲俾宮復本位也。故右按之。其用力比左。則十之七分也。於是尿道稍寬。小水乃通。

蘭家所用葛帝^{カチ}的兒^チ最稱善。然其子頭墜下者。不及橫骨上。故取效難必。盖用前術。可^レ有效已。余嘗言器不如藥。藥不如術。然不可偏廢。唯其當也。

整胎術

此法亦擬於二子。而婦人卒然蹶仆。或顛墜。因致胎

動甚則子頭倚着右腿根難勝楚痛不能起行者。醫
火急趨于其地就婦左邊而坐。豎右膝。膝頭貼其背
後。斜俯而臨其腹前。令左手懸醫背後。乃疊兩手頭
而鉤子頭。且以所鉤右手肘與所貼右膝頭。挿其
體。兒頭初離右腿根痛亦較減。醫乃醫坐而伸右足。
令其仰卧。內臙上。猶不去左手。右手則承其肩背。引
取右足。令其仰卧草茵上。左手鉤子頭而前引。右手
承醫尻而向推其胎。乃移本位也。於是又施浮漂術。
則痛止而可起。

按右爲委食府。故子頭欹斜。易偏。於
右因手法如此。若左偏者。其術反之。

孕婦脈什。或顛墜者。多乃胎動而卽墜。或雖不卽墜。必不出五日。故疾施整胎並浮漂二術。次行安胎法。不然而及經若水下也。雖有法術。無如之何。

浮漂術

妊娠五六月。至大期時。施整胎術。其胎得中正。更行浮漂術。使其輕浮。於是腹內寬裕。自無滯礙。尤可忌者。鎮帶也。切禁之。

凡施此術者。先令婦仰卧。醫就其左邊。豎左膝。聳身。以兩手從其兩脇。向背後。又以兩指頭。分夾脊骨。每

十二三椎。而按抑之。使指骨節間有聲。下至十六椎邊。兩手又持其體。左右一抑一揚。至章門邊。用力束勒。向腹前相聚。作之數遍。異中按腹第六手法。次左手掌當婦左章門。指頭向腹。右手掌當右章門。指頭向背。而左右互按漸按漸下。至橫骨上際。亦作之數遍。胎乃安其位。腹內如無物。所以然者。其胎輕浮。鬱氣大散也。故名曰浮漂術。

脫宮

脫宮有數種。一產婦不知其期。而強努力。因致之一。

在難產。洗婆妄令努力。因致之。冒宮胎者。不知其故。
勸令努力。或強按其腹。幸而雖娩。宮尚不能復本位。
也。一數產婦。精氣耗盡。而娩後脫出也。大凡不出此
四種。然產婦不知期而努力者。與洗婆妄令努力者。
多有之。

翼曰。臨產時候未到。強令努力。因致腸脫者。若不早
納。則乾澁難入。以成終年之患。又曰。腸大而無口。其
色灰白。若子宮。則形圓如曲腰。匏有口向下。其色赤
而有灰白橫文。或曰。子宮兩耳。有稱卵巢者。而有二

竅不獨有下口者。余嘗得犬猫猿獺屬。解體視之。陰門則宮皮端也。而精尿二道深於陰戶二寸許。與有宮口。口外卽門四周也。其間無毫隙絕者。又屢視子宮脫盡者。形如反覆囊底。而淡灰色。帶薄紅者。卽宮之裏面也。又有陰內餘皮脫出者。所謂腸脫者。豈言之類乎。余甚惑焉。若俾腸脫出。則宮口上中界埒處必可破裂。然則其命急於燒眉矣。恐不止終年之患。

歛宮術

此術令婦仰卧。醫就其前。以海羅汁塗所脫子宮。以

兩手指頭徐々約之。而向陰戶。乃去左手。右手則撮之。納諸會陰。已入。則以右手次中二指。向橫骨上邊。指入三寸許。乃令其緊合兩股。而以綿衣紮取小蓐。壹箇。卷當腰下。以令反身。歛後欲小便者。以襠襪。透陰門上而通之。勿令強通。恐有再脫。凡其歷數日。乾燥者。溫以蘄尾煎。稍和柔。而後可施術。

蘄尾煎

當歸尾

一斤

右一味。以水三升。煮取二升。去滓。以漬綿衣。比

比溫之。娩後倚產椅。兩脚痠痺者。亦用之。有劬

脫膜遺於陰戶

翼曰。娩後有胞衣下。後被膜尚遺陰戶。外見其端者。試展之。得展開。即被膜之遺也。余驗之。陰戶不異於常。遺膜則狀如繡絹。而夾陰戶。大異於子宮。即拔之。而無害也。婦人率不知其故。大生疑懼。宜丁寧喻解。餘肉脫出

娩後有產戶餘肉脫者。古人所謂陰突出如菌。是也。大疑於脫宮。雖然。是娩時子頭抵觸。因致陰中破傷。

而皮肉脫者耳。大凡子宮脫者則在中肉脫必傍出。歛之復脫須以麻絲緊紮每日緊之數日後自然腐斷。必勿下刀。

脫肛

凡脫肛。婉時强努力。或痢疾裏急。後重劇者必有之。勿論男女。施復術以救之。若長出翻花。經數日必乾燥。不易復也。宜以蘄尾煎。蒸和之。稍得溫潤。頻塗金液。而可施術。

復肛術

令患者右側卧。醫就背後而坐。塗金液。以右手大次
兩指。逆手持之。帶推肛門。意先以小指握而約之。次
至無名中指。則漸入門中。而左手拘其左髀骨。早手
引患者。令之仰卧。應勢以右手指掌押之。則復焉。然
此法要左右一齊爲之。否則不能復。又一法。蒸和之
如歛宮法。而後令患者抱柱而立。著鼻及腹足指尖
於柱。醫就背後。可以漬湯綿衣。押入脫肛。乃復。
又有妊孕大便秘硬。或帶裏急氣欲利不利。屢上圜
因脫肛者。因便秘硬脫者。潤腸丸。因裏急脫者。潤腸

湯得_レ快利。則不用術。自然復_ス。
潤腸丸方。見_二妊_一辰左腿痛部。

潤腸湯 產前後便硬。腹滿脹痛。或因便硬脫肛者。

并治之。

當歸 芍藥 黃芩 各中 大黃 大 甘艸 少

右五味。照常煎服。

產後昏暈

論曰。胞衣未下。而血暈難治者。十五六。先治血暈。後

下胞衣。但暈發已過二時者。死。今按。凡發暈者。即令

傍人按心下。醫乃以鉤胞術出之。手宜敏疾。此証雖

屬難治。其脈洪實。或因積氣而暈者。未可懼。而其脈必塞。宜精察施術。若其言語錯亂而煩躁者。胞不脫則死。然亦有胞下而忽然醒者。故死中求生。寧脫胞可也。

又曰。產後不起。則不血暈。今雖不起。而發血暈者。血熱盛而搏也。按此多積暈也。然亦有虛暈。故不得一概視之。

又曰。產後血暈。其面俯如欲眠而不覺者。元氣虛乏也。其仰者。血熱氣與食穀相搏也。按俯如欲眠而不

覺者多積暈耳。故不崩血者不可謂之虛暈也。

又曰。產婦發昏暈者有三。一其人氣血虛乏。產後大氣已轉。成亢炎勢。以挾腸胃污穢。上升胃脘。閉塞不通。因昏沈不省者。是大危之證。其頭必俯。二血室素畜鬱熱。其爲氣甚剽疾。而遇新產。腹內大空。邪乘其虛。與食穀相搏。上逼心胃。故發運眩。三產婦壯實健啖。而分娩後。誤信庸醫。欲跪坐產椅。強起就其處。因腸胃動搖。筋脈相牽。以致血氣擾起。與食穀相搏。堅結如石。遂作挑動。上下近胃口。則發悶眩。其說頗長。

今舉概畧耳。

蘭齋先生曰。暈有三。曰虛。曰實。曰食。是也。胞衣未下。婆欲脫之。而猥揉腹。或胞下後。令婦即時從草牀起步。而倚高枕。或產椅。因動血脈。血忽崩下者。名曰虛暈。必俯頭如睡。其脈沈遲。如此者。用禁術。則却招害。須觀下露多少。與血色。色如破傷箭血者。真血也。雖其下少。尤可以危。血黑而腹痛者。瘀物也。雖其下多。未足以懼。按真血崩脫。亦有腹痛者。而生者鮮矣。不一概也。大便秘結。而婉後妄束。鎮帶燥屎與子宮搏。其氣鬱塞。因以發者。名

曰實暈。目牽_二急于右_一。身亦反張于右。乃施禁術。隨手而止。雖臨盆時至。尚_レ不去鎮帶。其氣上逼。不欲飲食。強食輒滯。以故婉後欲吐不吐。因胃氣塞。作卒倒。名曰食暈。熊膽一分拌熱湯。令服。必吐。吐則醒。二子說大同小異。而諸症互發。診者精察勿誤。

按婉後昏暈。因疝癥懷痢而發者。十之八九。虛暈則其二也。實暈尤鮮。虛暈者。勿_下以禁術。按_中心下。實暈則瘀露不下。因上衝發暈者也。食暈亦懷痢之所致。崩血虛眩者。參耆膠艾湯。及遏崩術。實暈者。七味放惡

湯。因懷病昏暈者。參連湯。及禁術。未醒者。芍藥甘草湯。或酸棗仁湯。四肢厥冷者。圭支加附子湯之類。可也。參耆膠艾湯。方見崩漏部。

七味放惡湯。治瘀露不下。上衝昏倒。或產後惡露不下。臍下脹痛者。

烏藥 大圭支 桃仁 牡丹 延胡 玄牛

茯苓 各中

右水煎。適寒溫頓服。若血暈禁齒。而湯不下咽者。以曲頭管灌之。

參建湯

見前

熊參湯亦可

芍藥甘艸湯

治婉後腹內空虛。積氣跳出。逼中焦

氣海。卒倒。或困如夢。覺腹痛者。

芍藥

甘艸

等分

右二味煎服

酸棗仁湯

疝癥在左腹。因左腳攣急。而艱步。婉後

左脇腹拘急暈倒者。此方主之。

當歸

川芎

芍藥

白朮

茯苓

甘艸

柴胡

酸棗

大

鉤藤

右九味水煎服。

產航卷之二

大尾

附錄圖解


十有六樣

妊娠七八月至九
月。小產者。必被膜
胎也。此胎孕腹居
狀



此皮膜破之蓄漿出
則屬胞。


被膜胎。胞在腹中。
其帶垂下。而出人
戶。胞與膜相離圖。
右二狀。其論詳被
膜胎條。宜參考。



順孕倒首背面按

察之子頭能應手


下圖




順孕而按之於臍
 下橫骨上際子頭
 不應手故疑逆孕
 是則子頭頂當母
 之八膠內圖。




逆孕豎首圖。卽倒
產。及娩必露足者
卽是也。



坐產腹居圖。乃醫
坐。而腿灣上折。脚
著於腹。脚尖却會
顛下。至期應陳疼。
而臀尻先下者。即
是也。




順臨而裨手於子頭。
當破漿時候諸戶內。
子頭正臨而傍得手指者。名曰裨手產圖。




破漿後探之得胞
帶。脚尖。手。及頭圖。
得足者須以抒倒
術出之。




臨盆露一足候之
其狀恰如倒生而
非倒生順臨而子
頭高誤脚尖先出
圖實驗詳倒生條



學胎雙順。在左右。
而各一胞圖。




孿胎雙順。在左右。
而一胞二帶圖。




孿胎雙順。其胎腹
 背相合。而母前腹
 突起如抱。瓶圖。



胞衣不下。而經數
時宮口結閉圖。



胞衣轉覆而不下
圖。



右磯胞二條手法
有微旨不能筆授

妊娠腹大膝

膨異常胎中

蓄水所致其

子手足軟短

形體殘疾名

曰胎水予所

實驗一二舉

焉

兩目各在額邊
如生圖



是即顛顛
斷絕肉色
濃紅如截
西瓜



手足一節
其狀如龜
肢圖



跋



苟醫之有志於濟物者。宜見諸文辭。而廣其傳。不然。其取效雖少。止於身之所接。而其效有限也。昔和緩之於醫。可謂善矣。然特有名。而其實無施於後世者。不之於文辭也。管敬夫著婦科之書。求多題之尾。余也。雖不足為其輕重。而敬夫嘗從


余而討論徑藉。以余一日之長。恒希辭
也。其少時家於北鄙也。距余廬二十
餘里。雖風雨霜雪。余之庭每有其
跡矣。既而奔走四方。從有名之士而
問其道。歸而試之。凡所以愈乎難
愈而起乎難起者。比之相望於一鄉
一國。或謂余曰。苟取效於一隅。蓋
於人則可也。何必見諸文辭。而廣

其傳哉。不近於求名乎。曰不然。余聞之。
昔陸宣公之在忠州。裒方書度日。
夫宣公非醫也。然所以裒方書者。非
唯衛其生。亦可以及物。蓋仁人之用
心也。然則敬夫之善其道者。廣傳於
天下。其何不可乎。而余於是省。自古
有其善者。其善未必為己。而全然
歸於無者也。抑此篇者。特六七年

前之所得。矧其歲尚壯。若予少自
善。孜孜求而不止。則其效所以及物者。
又不止於此也。

文化十年歲次癸酉春三月

桐園 壹岐猷撰



文政四_{辛巳}年發行

皇都堀川佛光寺下_ル町

皇都同町

河南四良兵衛

河南喜兵衛

書林

浪華心齋橋通北久太郎町

吉田善藏

同江戸堀貳丁目大齋橋北詰

鷺頭辰三郎

